

問總不知

坐久

雲映青山愜野心  
草茵盤石老松陰  
坐中更入無何有  
不管寥天日欲沉

守拙

鑪中忘卻燒鉛汞  
門外從他長葛藤  
事事不堪閒度日  
盡教人笑百無能

草堂

荒蕪三徑絕交遊  
窗戶淒淒冷似秋  
卻得可人真况味  
畧無塵事到心頭

道藏輯要

雲山集

卷

易集六

驚世

貪求深入利名場  
係縛勞心生愈傷  
棄重逐輕顛倒用  
合隄防處不隄防

虛生

役役身心不自由  
百年風激水中漚  
虛生浪死無程限  
識破歸來便合休

安生

眨眉欲辨移新舊  
轉眼那知換古今  
現在未來俱不識  
問誰誰許問安心

著物